

廣東通志


自卷四十八之下  
至卷四十九之上

庫文閣		
函	三九六九	漢書
冊	六九二	類
架	一〇	

庫文閣內		
函	三九六九	漢書
冊	六九二	類
架	四	
(四四五六)		

內閣文庫	
番號	漢 3969
冊數	692 (544)
函號	291 97

五四四





漢道大庫

雷宜中及倉憲交以邑最上咸淳元年轉奉議郎

二年差監行在權貨務後除大理寺丞終知潮州與

况文毅公天錫文學齊名時謂二洪卒文天祥狀其

行實所著有東巖集據泉州志廣州志香山縣志參條

史寅仲鄱陽人以進士拜朝散郎知化州洞蠻負固

督軍捕之沒於戰贈朝散大夫又有樓海者以司法


權宰清遠清遠峒寇一夕入縣治倉卒告變海挺身

出諭賊竟遇害事聞有詔褒賚邑人祀之李昉英以詩哭之曰

諭賊散私財真頑不可回憤然瞑目罵吾已戴頭來

一死當凶刃千家免劫灰遺孤兀未有行路為悲哀

○據江西通志文溪集參條



文溪集參條



孫叔謹字信之漳州龍溪人父昭先直寶謨閣以郊恩補官累遷至大理寺正寶慶二年出知潮州潮接漳境叔謹熟知利病即日罷行訟牒累至數百率五鼓坐廳事據案部決如流公勤自勵創橋築堤奏罷貧民鹽役撥田千學以養士潮人感其惠而尸祝之於韓山昌黎廟今祀于名宦祠又有宋敦書者知潮州一日溪流湧洶隄決而西乃築隄八十餘里民免其患據潮州志龍溪志參條

薛直夫字愚叟永嘉人也嘉熙元年知雷州始闢試闡增貢士庄創建二蘇祠脩理堤渠建橋立市以便

貿遷往來始雷人不知醫藥病則召巫禱神而已乃置惠民藥局以療民疾有仁者之政民立生祠祀之

據雷州志脩

鄭夢种淳祐初海豐主簿賦平役均聽訟以公嘗脩

學官邑人思之祠于學據惠州志脩

王亘字伯通福州人淳祐中為博羅令為政勤於吏

事脩築隨龍蘇村二堤百姓賴其利後與單倬相繼

知南恩州力蘇民瘼民到于今稱之據一統志脩

湯鸞知萬安軍時南崗王利學叛鸞討平之民為立

祠據瓊臺志脩



楊觀春不知何許人淳祐間知清遠縣愛民如子百廢具興尤注意學校門無干謁邸舍蕭然時稱為賢令

據舊通志脩

鄭良臣福州人淳祐二年任知潮州舊有白丁錢催科者據籍取辦雖有遷徙物故不為除豁良臣易籍更編民賴以安增置田稅於學及韓山書院以為養士費蓋有功於士民者今祀名宦

據潮州志脩

陳圭字表夫興化人淳祐間知潮州太平橋抵三陽門正街多為居民所侵圭諭復之捐公帑市石餽工脩砌由是周道軒豁又新原道堂扁其前楹曰書庄

置晦菴所著書籍實之立書院田為養士費蓋有功於名教者祀于名宦

據潮州志脩

趙汝馭永嘉人淳祐三年守惠政尚安靜而興利剔蠹郡治一新至今郡人慕之

據惠州志脩

毛奎字子文一字文通昭州雷川人淳祐間知吉陽軍能文章通術數知地理脩城池移學養士嘗經營州南大小洞天作記題詩皆可傳後任滿去至南山舖不知所終後人於舖前山中立祠祀之

據瓊臺志脩

李若水閩縣人也龍川知縣以儒飾吏寬猛適中脩泮宮營廨宇繕倉庫築城池百需咸出公帑一毫不



以擾民民繪像祠于城東樓據惠州志脩

趙汝暨宋宗室也淳祐間兩帥廣前後凡五年公勤

清平始終如一獄吏舊以鞠賊為奇貨一盜坐囚百

家股慄一切禁絕吏不得逞民受其賜州貢院舊苦

猷隘廣片之出入場屋者便之運判宏齋包恢大書

其事立于學宮據廣州志脩

儲擢温陵人淳祐間知雷州事創建小學訓養童蒙

脩築城池纂集郡志蓋亦勇於為者也據雷州志脩

方大琮字德潤福建莆田人淳祐二年帥廣凡六年

以儒飾吏以政媿俗鄉飲酒禮久廢命賓佐與領袖

士討論之禮樂器服悉還古制歲一行之拜七十有

奇膝席以宴漏過三十刻時齒已邁而終禮無倦色

丁祭儀文未稱白冕服弁以至簋簋豆鍾磬琴瑟

祝啟之屬悉攷古訂禮改作又建書堂之飛閣翼以

四齋敞清海軍門以雄藩府規模十倍於昔據舊通志廣州

志脩

李迪字復古其先趙郡人淳祐十二年知廣州明敏

嚴於御軍戢吏治盜發姦摘伏時而用之猾胥點字

重足側立不敢逞郡學舊無便門迪始開創宮墻數

仞臺闔朔謁無下車殿庭之嫌民戶納地基錢吏以



名色培尅其來久矣迪一切革去自支官錢與吏作  
糜費外不許妄取一文既造朝刻木蒙蔽此意寢失  
士心劉應龍來奠南服復取迪條貫用之士民益動其

崇之思據廣州志脩

劉應龍字漢臣瑞州高安人嘉熙二年進士授零陵  
主簿饒州錄事叅軍遷司農少卿尋以石諫議大夫  
孫附鳳言遂去國景定三年湖南饑起提舉常平以  
林荒功遷置寶章閣廣南東路轉運判官遷秘書監  
兼國史編脩寶錄檢討南海寇作朝廷患之乃以顯  
謨閣待制知廣州廣東經畧安撫使寇聞應龍至遁

去應一遂之南海大治特旨屢召拜戶部侍郎仍

不侍讀七上奏辭免德祐元年遷兵部尚書寶章閣

直學士知贛州兼江西兵馬鈐轄清海軍節度使力

辭隱九峰子元高亦舉進士知候官縣沒據廣州志脩

雷一中字宜叔興城人淳祐七年進士第二人由賈

似道記室以不合去經畧廣東比還奏復具潛官及

濟邸封爵帥廣月餘卒據江西志脩

余琰字伯華永豐人登淳祐進士第授廣東提刑持

已一潔當時立庶吏碑公居其一也據廣州志脩

劉克莊字潛夫興化莆田人祖夙知温州父彌正吏



部侍郎克莊通古今熟典故最為真德秀所知理宗  
朝領史職兼兩制論建多綱常國體君身之大者嘗  
為廣東提刑仲慕崔清獻公與之表章遺文祭奠祠  
墓歎曰公之完名高節百世師也官至工部尚書加  
龍閣學士政諡文定不 集行世第克遜  
字無競以公官知湖州不銀價平每丁賦錢五  
百後銀貴加至四倍克遜下教蠲之曰縱得罪死無  
恨一生清貧惟嗜作詩葉適稱之季第克剛字處和  
寶祐二年知惠州清儉治辦脩弊起廢建豐湖書院  
祀豫章先生闢四齋以居生徒簡州學博一人蕪山

長事以領之于是惠人始知伊洛之學病劇尚延州  
文學至卧內再掄羨錢千緡增學舍明日卒據八閩通志脩

孟安仁寶祐三年知雷州脩築堤渠歲事以登沿堤  
之田增種子七十餘石秋成之時民樂其利共執彩

旗拜謝於堂下其旗中一聯云七千早種公生意八  
百脩齡我願言又一聯云拍堤白水皆侯澤連陌青

禾盡福田其為民之所愛知後祀於四德堂據雷州志脩

謝子 寶祐四年知廣東不以廉牧民以惠束吏  
以法已未賣石繹騷八桂開制閩供億取辦於民邊  
聲警言甚處之裕如民不知有西帥內浚城池團保伍



為備禦計簡靜不擾海邦晏然市田以增學費兼領  
船事四年廣人歌頌德政余復身為之記立像與吳  
隱之楊長孺祀之據廣州志脩

鄭格字迪民福清人少穎悟博聞強記時號書櫥淳  
祐中進士歷建寧司理有清操景定初授廣東察推  
其操彌勵所親規之曰子冰蘖凜然不知何以為出  
嶺計格曰既能入嶺豈不能出嶺改知攸縣卒囊無  
徐財二子堅堡從子聚皆博學清介世其家據八閩通志脩  
畔福州人景定二年以太常丞攝惠州事為政慈  
祥嘗有盜為人所獲送於官畔察其逼於饑寒從容

諭之曰人性未嘗不善汝胡為惡亟宜改過自新且

遺以錢三緡釋之自是境內無盜據惠州志脩○

師顯行眉山人景定四年知惠州政尚簡靜忽猛寇

竊發即撲滅之人以為仁者之勇在郡五年民以寧

一公暇手不釋卷著書自娛有文鑑集註今不傳據惠州志

州志

陳塏字子爽嘉興人歷京湖制置使司主管機宜文

字進集英殿脩撰知婺州改知太平州兼江東轉運

副使請蠲放諸郡災傷加戶部侍郎進寶謨閣待制

知廣州權兵部尚書咸淳四年卒謚清毅塏屢歷麾



節軍民愛戴幕客盛多而塏又樂薦士所著可齋說

藁二十卷據宋史脩

牟滌字叔清晉江人咸淳二年知潮州脩學養士除

盜去奸邪人德之祀于名宦據潮州志脩

胡穎字叔獻潭州湘潭人每見淫祠即毀之人謂之

胡打鬼咸淳二年經畧廣東廣有僧寺佛像中有巨

蛇時出享人祭祀僧倚以為利穎至毀佛繫蛇其怪

遂息據宋史脩

陳大震南海人咸淳七年知雷州又辭敏捷政事寬

厚慮西湖久或潭廢乃大築堤岸徙蘇穎濱祠于湖

之西改為平湖書院復建八亭於堤上增其勝槩日

欲遺刑跡於久遠云據雷州志脩

蒲壽晟咸淳七年知梅州性儉約於民一毫無取每

思曾井遺澤建石亭于上日汲井水二瓶置燕右進

士楊圭題其亭有日曾氏井泉千古冽蒲侯心地二

般清據潮州志脩

洪伯清咸淳中知博羅新開縣署脩治學宮卓有治

績據惠州志脩

虞應龍雍公允文之曾孫也咸淳九年由太常寺簿

知雷州脩學校興水利蒐軍實明律令平滯獄戮寇



盜覈丁籍以別老壯實民賦而恤孤嫠創十賢堂於西湖之西建譙樓於州治之南並請文天祥為記至今猶存時分教李仲光自葺講堂亦有文名據雷州志修曾逢龍寧都人開慶初進士為新會令能以忠義自許為政有循良風景炎元年六月元會呂師夔遣其將黃世雄寇廣州經畧使徐直諒遣郡人李性道領兵拒之性道降于世雄受虜官爵秋九月東莞民熊飛復廣州世雄遂遁會逢龍率鄉兵禦虜亦至州城性道迎謁祈哀逢龍擒而誅之時端宗在閩聞其功降勅嘉獎擢韶州通判未幾師夔復入寇連韶諸州

守皆降制置使趙潛遣逢龍往南雄拒之與虜兵遇力戰不敵知必被執乃正冠裳縊而死贈龍圖閣學

士據新會志脩

王序字景禮晉江人擢咸淳進士第授尤溪尉後攝守惠州瀕江無城堡海寇騷繹人有虞心序浚壕塹團保伍郡賴以寧得代航海而歸宋亡徜徉丘壑以

終身據泉州志脩

林琦閩人也德祐二年元兵逼臨安琦於赭山結集忠義數千人捍禦海道以功補宣教郎文天祥開府南劔琦佐其幕琦外文采內忠實數涉患難無怨懟



辭及潮州移屯俱被執至惠州遁復執之北行赴水  
為吏所拔至建康以憂憤死時又有監通判者不知  
何許人也其名亦不可考景炎二年倅惠元兵至城  
下衆皆束手詣降獨藍帥民兵數百拒之力戰而死

據惠州志脩

趙與珞咸淳初為瓊管安撫使至帝昺祥興元年秋  
元將阿里海涯畧地海外遣宣慰舊帥馬旺招降不  
聽率義勇謝明謝富冉安國黃之傑傑史作紀等兵禦白  
沙口極力死戰舟師不得登岸久之元將患焉冬十  
一月壬辰據沈翁碑記厓山志作於巳因購內應執與珞等以降

山志乃撰益本錄稱州亂執與珞又引慢罵

元史續編謂民不堪遂有叛志與郡志不合  
不屈心將怒皆裂殺之與珞素有膽畧海外諸蠻小  
國皆何為重既死由是四州縣及外蠻皆附于元

皇志行朝錄續綱目參脩○唐冒曰於戰與珞死後  
節拒敵亦不過斬首自盡而已豈有若此裂殺之慘  
哉且當是時西來迎刃之大軍隔海矣同心之應科  
已死矣宋之士宇垂盡矣豈不知大勢之去磴臂之  
不可禦然所以必慢罵以泄其憤堅守以固其節者  
焉而巳宋室守臣死節雖多豈有後於與珞者哉  
以遠也夫孤臣史氏不為立傳續綱目者不為大書  
惜也夫雖然此猶食祿也若謝明謝富冉安國王  
之傑輩郡士爾服死心難而元其招陪磔尤何烈也  
然或知義者至於死當海中之再稱制則首起以  
應之厓波忠魂不知以濟欽廉高化擢積既為史格  
所運獨盡室傾囷以濟潔蒸而不辭馬旺既主其

所運獨盡室傾囷以濟



猶篤一心上致數警檣旗報外帝屍久浮黃威速  
尚未甘心詔置極刑而不悔卒之海陵潰散臣卒  
數千皆不他適侍衛念而遠依焉其精誠意氣之感  
口又何如哉噫瓊云中原萬里朝廷政澤之露獨遲  
國之亡也人心結固獨後於天下豈三百年惠養  
所致歟抑張趙二使君當日之義氣所激歟或人  
士俗之美而自不能已與故論宋三百年之天下  
先人心之歸也始於陳橋其後人心之不忘也終  
瓊海所謂後死之唯將不帝秦之外而有此也哉  
皆兼而有之矣孰謂南荒之不及民茲特強裁以補  
外紀有哀使君詩末路誰當國步艱瓊州節際飲  
山○王佐哀使君詩末路誰當國步艱瓊州節際飲  
鳳死中原今放犬羊還使君忠義言難盡只把哀  
詞滴淚瓊○哀四義士五更風雨晦乾坤守信鳴  
自不昏萬戶千門皆已死汗青今見四人存○唐  
補哀百姓詩與圖二百盡皇州宋室遺民尚有否  
誰捫其容履紋歌未散魯公頭忠魂幾許隨  
旅三千特地 升道深仁 滋收

張應科咸淳間瓊管安撫使帝昺祥興戊寅遣與王  
用攻雷州三戰皆不克用降於元應科誓死報國再  
决戰城下遂死于敵按是歲宋之氣脉已盡然續綱  
尚在故也瓊郡二使君應科死於夏與略死於冬自  
是合川降没天下守臣無復有拒敵者豈不為凜凜  
後凋之松栢哉張世傑傳乃謂應  
科死於丁丑誤矣○據瓊臺志脩  
史格字晉明其先大興永清人父太尉天澤有城金  
大功謝政格請立勞軍中朝議俾與張弘範易將始  
授懷遠大將軍亳州萬戶虎符從平章阿里海牙分  
兵圍潭州攻靜江投之海牙北還留治靜江徇定廣  
西諸州遂下肇慶德慶封州皆除三年丑租陞昭勇

續通志卷四十八

張應科

三



大將軍廣南西道宣慰使宋主纘降元其將相張世傑陳宜中挾益王昷衛王昺浮海趨福州立益王傳檄海嶺廣之東西豪傑啗其爵賞爭起為應裂裳為旗荷鑣為兵者動萬為群格戒諸將敵至以時降斬不得使牢根窟能以衆來者官之盜去勿求迹平民延誅以逞省議棄肇慶德慶封州併兵戍梧州格曰委地徹備適示敵怯增兵戍之後益王昷衛王繼立趨廣州壁海中崖山曾淵子以叅政開督府雷州格再諭降不可進兵逼之淵子奔硃州獲其兩都統驛送京師遣萬戶劉仲海戍雷州世傑將萬衆至仲海出

奇擊走後羞墮其詐計悉衆來圍城中絕食皆煮草為糧格抽兵漕穀欽廉高化諸州再破走之用兵海南詔格親戍雷式過西突會衛王蹈海南海平廣東之戶十耗八九而廣西獨完不殘及戶賦酒酢筭格以嶺南地險而民寡俗悍而產貧征之適急其為盜省是其說蠲之故今廣西并湖南不困後入覲拜資德大夫中書右丞至元二十四年拜榮祿大夫平章政事二十有八年秋七月卒年五十八嘗子其從子耀以從戰廣西勞授靜江同知遷廣東宣慰副使後至榮祿大夫福建行省平章政事

據元文類脩



李習者元初拜增城縣尹文章政事具有足稱德性復温恭邑人化之後因叅尉鄧英甫率羣小侮辱毅

然掛冠而去據廣州志脩

朱國寶徐州人後徙寶抵世祖至元十六年遷定遠

大將軍海北海南道宣慰使尋移瓊州世祖紀作海南四州宣慰

使立官程更弊政訓兵息民具有條制南寧謝有奎

負固不服國寶開示信義有奎感悟以其屬來歸於

是黎民降者三千戶蠻司降者三十所十八年破臨

高蠻寇招降居亥番毫銅鼓博吐桐油等十九峒遣

步將韓旺率兵畧大黎密塘橫山誅首惡李實其

巢生致大鍾小鍾諸部長十有八人加鎮國上將軍

木道宣慰使都元帥二十年請益兵討占城詔以阿

里海涯軍萬五千人應之供給軍餉事集而民不擾

遷廣南西道宣慰使入覲帝慰勞之後子斌襲累官

海北海南道宣慰使都元帥據瓊臺志脩

張榮至元十七年任韶州路總管先時郡學隳廢以

為齋糖所榮至始徵前進士何天衢權教授引試課

業中選者表戶為儒蠲其雜役時章甫絳掖五百餘

人明年遷糖局脩復殿宇後元貞二年又有張傑者

任總管先是改元初詔天下興創學校傑至始奉詔

廣通志卷四

卷四

三



令創建一新是時居民康富咸樂於從令延祐七年  
 又有橫浦李昌元來為路學教授以學廩餘貲委學  
 正陳仁傑李玄孫道往廬陵造祭器樂器又徵樂師  
 教弟子越明年春丁禮樂在庭郁乎可觀與張榮張  
 傑皆有功於學校云據韶州志脩

呂恕字仁卿河東人也至元十八年任廣東宣慰副  
 使時寇盜嘯聚阻水陸民艱食道殣相望恕力請于  
 行省發倉賑貸又為粥糜饑者就食日常數千餘人  
 存活甚衆繼以荒歉恕復發糶以濟之無何調兵四  
 出多俘獲恕加意宥釋賊舟臨城圍出城扞禦賊見

恕呼為施粥相公戒其下無以矢石相向新州有重  
 囚上于宣司恕知其非罪獨不肯署牒宣司怒徑驅  
 囚往市將殺之恕亦與之偕往遂不果殺恕與宣司  
 交訴于行省既而省牒竟直恕囚得不死廣人德之  
 立碑于鄉校可謂古之遺愛矣後卒于官據廣州志脩

殷彥洛陽人至元十八年權東莞縣事為政簡靜不  
 擾去之日邑人留靴釘于市橋梅外李春叟跋之曰  
 殷侯彥奉檄權茲邑甫五閱月以代去邑遮道不忍  
 別留靴以寓去思夫居官之日淺而感人也深是可  
 以觀政矣據東莞志脩



丁聚至元間為潮州路總管解舍燬于兵彘聚剪荆棘昇瓦礫募役創建置學田脩學舍勤勵共職稱良

吏云據潮州志脩

楊益字直友洛陽人至元丙子以戶部侍郎出為南雄路總管為政安詳務禁淫祠興利剔蠹不受私謁

父老悅之據南雄志脩

塔刺海哈魯合人至元十九年為廣東宣慰使會征占城造海舟運糧驅民以役至有死者獨能散財募衆人樂為用事皆先集且躬督米舟自南雄轉輸道中聞山獠出掠撫綏之遂平定功聞授中奉大夫再

任建言廣東舊統封連德肇四郡歸附隸湖廣行省有旨復舊元貞二年加正奉大夫時妖民周繼孫自稱天皇聚黨為亂有告變者分遣諸軍夜半悉擒之至明而定誅其首餘無所問路學大成殿歲久將壓徹而新之創三皇廟立醫學又開西驛路以便步遞海舶多為司馬存所侵奉省檄提調之廉不犯蕃商大悅其後舶舟至者常倍焉由是增居民二萬七百萬戶官課七萬八千錠稅糧五萬一千五百餘石立水旱站一十餘水舖一十五起蓋倉庫驛舍官解等七百一十餘區造征瓜哇船五百合皆不擾而辦大



德元年山獠林珍古明等作耗行省檄往招捕珍等相率請降進廣東道宣慰使都元帥廣西賊黎盛蔡全等侵境官軍屢山無功扶病指授方畧及二會來歸時病已革二年五月卒於官人皆惜之後憲司薦其子馬速忽耳追頌其美有曰入廣二十餘載始終

如一據廣州志脩

陸垕字仁重江陰人自幼以孝友聞至元間丞相伯顏以師南下垕是時年未冠而志強氣銳率其鄉人見之論議有合兵遂不涉其境鄉人義之伯顏奏授為同知徽州路總管府事以廉能擢置臺憲累遷至

廣東肅政廉訪使陳阜有聲廣人德之政暇遊觀多有題詠後改浙西所至以黜賊吏洗冤獄為已任且

嘗上章奏免儒役年五十卒賜諡莊簡據元史廣州舊志參脩

王天祥大名滑州黃縣人累官將仕郎至元二十一年為香山縣尹視篆之初以崇儒飾學為先務脩葺學校重建講堂勸農省役百廢畢舉戍卒廝隸之違法者嚴徵之翕然稱治宋末兵燹廨宇多毀求諸故址脩復至今沿之在任凡七年輿情愛戴如一日云

據香山志脩

閻里吉思蒙古按刺及氏世祖朝榮祿大夫行湖廣



平章至元二十八年將兵同陳謙亨討海南諸峒寨  
又明年平之曾建議立定安會同二縣萬全寨珠崖  
鄉校因召還以未收諸峒付元帥朱斌成功又見帝  
賜王束帶金銀幣帛弓矢甲冑及寶鈔鞍勒得旨還

鎮

據瓊臺志脩

趙謙趙州人元貞元年授廣東道肅政廉訪使發摘  
平反官吏畏之民有湯姓者富於財為仇人湯舉誣  
告於縣其親維公輔常以他事告縣令正夔于憲臺  
因而憾之遂教訟者供公輔縛其僕袁二下水死鍛  
鍊成獄惟不獲死謙以為疑密購求之且檄城隍神

期以七日必得如期果有捕獲袁二至者人皆以為  
神力公輔遂得釋取其桎梏移之夔將以其罪罪之  
夔以病死其明斷類此為政踰年杯水無所私後卒  
于任其子護喪北歸諸司贈遺亦無受據廣州志脩

虞士龍元貞二年任潮州教授立杏壇砌泮池脩文  
廟造祭器建書樓置書籍功可錄焉又有朱道深皇  
慶二年亦為教授脩飭樂器練於禮文音樂與生徒  
肄習以恪祀事復新埭長壟田園為養士之貲拊思  
樂亭以表期望其加意於風教云據潮州志脩  
張忽里罕大德元年為海北海南道廉訪使處事嚴



謹崇儒重道損俸脩理平湖書院皇慶二年有元壁者為經歷持政公平吏民畏懼俾尚儒雅置大成樂器後又有郭思誠者至順三年為經歷勤於政事興脩學宮置小學書板新西湖隄閘荆思濟橋以便民二人雖為幕職而政任尤著於長吏云

據雷州志脩

陳忠衛大德元年任高要縣尹有異政民德之立祠

以祀惜其政蹟不能盡攷錄焉

據肇慶志脩

欽察畏吾人也累官繁劇以清直著名大德二年任廣東廉訪使長於發摘不可干以私因與帥府官交訟省臺及委官蒞問不為禮以是忿滿不食而死民

哀悼祀之廉吏祠

據廣州志脩

張文和先為韶州路同知勤厚不刻大德十一年陞總管益有惠利於民至大元年創東河浮橋商庶便之

據韶州志脩

烏古孫澤大德間為海北海南道廉訪使圭田之租量食而入餘悉委學宮給諸生在雷州教民浚故湖築大隄竭三溪瀦之為斗門七為渠二十有四得良田數千頃瀕海廣瀉並為膏土民歌之曰烏鹵為田兮孫父之教渠之泱泱兮長我杭稻自今有年兮無

早無滂

據雷州志脩



高芝濟南人大德辛丑知新州清節凜然一塵不染  
愛民好士惠先鰥寡脩整學校又嘗於城市驛路栽  
松竹以便行者流風善政久而猶存據新興志脩

蕭泰字則平泰和人大德間為海北海南道按察司  
提刑僉事僚賊逼城衆惶懼失措即上馬督捕將吏

驚馳僚遂遁去時安南久失藩臣禮奉詔往諭疑懼  
相半泰曲喻以來意歸所盜地二百里奉表貢獻進

廣西道廉訪使陳便宜二十五事進南臺監察御史  
復言十事分按江浙卒據江西通志脩

郭應木資州人任連州判官有善政至大四年十一

月攝東莞縣事在莞凡七閱月田里絕叫囂之卒縣

庭息謹健之訟且講書課試作興學校真得學道愛  
人之心清廉律已表裏如一去之日行李蕭然輿論

稱其廉能據廣州志脩

按攤蒙古怯烈氏也先不花子城宗朝襲長宿衛大  
德末有旨給七乘傳往侍父于湖廣諸道憲司以其

孝行聞拜中奉大夫海北海南道宣慰使海陵與安  
南占城諸夷接境海島生黎叛服不常按攤威望素

著夷人悅服生黎王高等二十餘洞皆願輸貢稅在  
鎮期年以省親辭去據瓊臺志脩



札忽進義香山縣達魯花赤愛恤窮民勸勞農耕察民貧者給以牛種且減其租刻大學孝經以教民子弟皇慶二年陞知南恩州既去民思之不置據香山志脩拜都延祐二年為海北海南廉訪司副使崇重學校建三賢堂追徵欺騙學錢七千餘緡有秉道疾邪之政三年又有趙珍來為廉訪僉事平反訟獄民無冤滯與照磨范哲改朔學宮政有可述焉天曆初又有賈煥字世甫大梁人為廉訪使愛民厚俗嘗著勉學說以示士子皆深得憲體而尤著意於學校作養云

據雷州志脩

張昕延祐三年任韶州路推官時禁網疏闊凡事簡易昕不以法令從事有罪笞決遣去民甚樂之府學田為豪戶僧寺占耕昕括勘之增出租米二百三十

餘石據韶州志脩

卜天璋延祐四年以亞中大夫為廣東廉訪使先是豪民瀕海堰專商舶以射利累政以賂置不問天璋至發卒決去之嶺南地素無冰天璋至始有冰人謂其政化所致云據廣州志脩

劉鶚字楚奇永豐人皇慶間以薦授揚州學錄官至翰林脩撰紅巾盜起擢江州總管寇不敢犯改瑞州



陞廣東副使守詔六年屢却強寇民賴以安後分兵討洞獠贛寇數萬猝至戰守力盡城陷被執不屈還贛之慈雲寺自分必死乃書曰生為元朝臣死為元朝鬼忠節既無慙清風自千古不食而終嘗建浮雲道院以教鄉族弟子學者稱為浮雲先生據韶州志倉振真定人延祐辛酉知新州時徭賊蠡起振深入賊所諭以禍福示以恩信羣徭帖然向化暇日詣學召諸生講解經義又於驛路夾植榕松以便行者先是高芝守新州時行是政振實繼之故州人歌曰高松倉榕一道清風據新興志

王繼遠安福人早負氣節至治間以薦授郎没于陣

事聞贈總管謚忠愍廟祀南海據吉安志

高若鳳字在翁吉水人至治進士歷官封州知府所

至興學卹民練軍養士嶺北人周世昌父子殺人冤

獄累歲不決若鳳剖之如神連城不靖領兵收捕單

騎抵賊穴諭之曰爾等如是奈父母妻子何爾細思

之賊皆感泣羅拜解去據江西志

左祥肝江人初任翰林從事泰定中授承直郎香山

縣尹留心政教為勸學文以訓社學子弟其詞曰生

天地間惟學乃有覺覺則為善人不覺乃為惡方其童稚時賦性本惇朴長為物欲昏氣習或流薄薄俗



不禁止至理日消樂卑者不事尊強者必凌弱三綱  
 既淪沒九法亦乖錯問之何因爾由其不能學人為  
 萬物靈於世當有卓貧富但讀書讀書心自若窮則  
 善其身遠則後名爵明時正尚文齋魚快飛躍願爾  
 投明師朝夕期博約前經要說味古道要斟酌系土  
 可成山積黍堪充餽魏文宣正天下為木鐸坦然  
 垂聖教萬世忻有托我來尹是邦夙夜憂民瘼才德  
 愧不克未能化姦虐竊聖賢緒誠意重然諾每日  
 三省身奉奉不妄作良善我所嘉克強我所却風俗  
 期還醇氣質後所斷奉勸汝子弟勤勉無戲謔學則  
 為聖賢千一時士風皆知嚮往焉尋遷建儒學脩義  
 萬加付度

齋時與士子講論臨川吳澄稱其政有三善云見學  
校志

後政知增城倡義門拓學宮作率士類其政一如香

山轉萬州卒今香山增城皆祀之據香山志增  
城志參脩

暗都刺泰定間惠州路同知捐俸建邑學於鶴峯之

南秩既滿且留鈔七十餘錠置田贍學據惠州  
志脩

韓元善為新州判官明建政體累擢江南行臺監察

御史據新興  
志脩

范棹字亭父一字德機清江人家貧早孤母熊氏守  
 志不他適長而教之棹天資穎異所誦讀輒記憶雖  
 癯然清寒若不勝衣於流俗中克自樹立無苟賤意  
 居則固窮守節竭力以養親出則假陰陽之技以給  
 旅食耽詩工文用力精深人罕知者年三十六始客  
 京師即有聲諸公間中丞董士選延之家塾以朝臣  
 薦為翰林院編脩官秩滿御史臺擢海北海南道廉



訪司照磨嘗錄囚于瓊州巡歷遐僻不憚風波瘴癘  
所至興學教民雪理冤滯甚衆會御史段天祐奉詔  
分理盜賊至海康棹故人也與之登楚谿樓出岳陽  
篇棹和之雷人競相傳誦棹醉岳陽樓詩誰能手鋪  
昔人已騎黃鶴去樓前亂芷春蘭青豈知繡衣後千  
載遠遺鳳闕來江城凭高吊古落日紫領客置酒開  
雲屏酒酣點筆賦新句薄海傳誦令人驚憶我初遊  
白上京與君聯步趨承明手宣王猷敷帝績濟濟學  
士如登瀛一行竟墮萬里外回首滄浪思濯纓守官  
區區事無補惟有白髮欺人生狎柯水外萬竹底四  
時鳥語煙邊真忽忽此地復相見恍如幽夢末倦靈  
中宵秣馬不遑暇君又北鄉予南征如茲會後復何  
日念之使我雙涕零宮中聖人總四溟所過海岳須  
澄清鐵冠峩峩望天下青雲快覩皆脩程由來豺虎  
伏仁獸况有鷹隼當秋橫明夜遷江西湖東長史素  
相思隔雲島月落高臺聞笛聲

素汙文繡局取良家子爲繡工無別尤甚棹作歌詩  
一篇述其弊廉訪使取以上聞皆罷遣之其弊遂革  
未幾移疾歸故里天曆二年授湖南嶺北道廉訪司  
經歷以養親辭是歲母喪明年十月亦以疾卒年五  
十九所著詩文多傳於世棹持身廉正居官不可干  
以私疏食飲水泊如也吳澄以道學自任少許可嘗  
曰若享父可謂特立獨行之士矣爲文志其墓以東  
漢諸君子擬之據元史瓊  
臺志參脩  
呂琬字蒙甫冀寧人天曆二年海北海南道廉訪僉  
事肅正風紀脩築城池興學校厚風俗嘗按部于瓊



以宣化敦俗為先務有惠政於民至正初陞廉訪使再任卒于雷軍民挽柩悲哀以送之據雷州志脩

馮惟吉天曆初知梅州抑末技重農桑春時巡行郊野勞來不倦比妨農之役一切禁止饑者賑之撫字

得宜逋逃復業已巳歲旱乃齋沐祈禱甘雨沛然外境饑民至亦賑之如州民時人莫不歌謠其德又嘗

作燕喜亭以見其志去後民有餘思潮人今祀于名宦據潮州志程鄉志參脩

張允明天曆間知南恩州有學有為其政蹟猶有存焉後至元庚辰又有廬陵謝必昌來知州事平饋輸

均徭役豐委積興廟學歲饑則發廩賑給賴全活者以萬計遇旱則竭虔禱雨屢致有秋州人頌其德久

而不忘據舊志志筆慶志參脩王允恭字敬居蠡州人嘗尹石康縣有善政至順二年

為潮總管行政公平脩學校新韓廟課試諸生親與講解而飭勵之有古賢守風潮人祀于名宦據雷州志脩

禿魯迷失至順二年為雷州路總管政知大體威足以懾吏澤足以懷民又有劉震龍南人由錄事為路學

教授長於文詞二人當時以治教稱云據雷州志脩峻南巴哈刺魯友人至順初惠州路達魯花赤總府



帳籍浩繁吏胥離析為蔽欺峻南巴勵積理之纖毫不可隱每心計腹籌輒知帑廩之盈縮並緣揜尅悉痛艾之謹于民事雖疾風甚雨不廢勸農庠具儲糧分給流逋之來歸者郡城之東舊有亭曰野吏圯父弗葺峻南巴首訪遺迹顧瞻山川慨然歎曰前賢過化人心所存是不可緩亟新之明年城下火東南風急吏曰亭不可完矣蓋少退峻南巴曰無亭無倉庫公署矣民可重困乎卻弗聽言既反風火止人感異之

之

據惠州志脩

張搏霄襄陽人至順五年為南雄路總管為政清慎

有為興脩學校既去民懷其惠立碑頌之

據南雄志脩

覃榮韶州路通判有古君子風在任六事脩舉四民

樂業善政甚多郡人為立去思碑

據韶州志脩

程願學休寧人弱冠遊京師以薦入書局脩職方氏

書至順中除循州長樂令民有死非命者其妻訴不

願理呵曰此即殺人賊也一訊而服羅江五峽諸寇

時出掠殺不敢入長樂秩滿歸道卒

據南畿志脩

薛里吉思元統三年守新州作興學校填魚塘以廣

學宮土軍貪婪挾勢通徭擄掠私立管軍頭目名色


擅權柄吉思明正其端具申宣司帥府革罷委百戶



韓帖木兒管領仍令各軍親執軍役其有田者應當  
排年里正坊正等項差役以蘇民力由是紀綱振政  
令新往年納糧需求百出多收斛面到任即與同知  
孫升同革前弊每日詣倉監視令糧戶自行把槩兩  
平收支民鹽嘗和以砂土輕重其包分散與民以取  
其錢前者未輸後者繼至民甚苦之公知其弊照依  
原價不許雜以砂土及輕重其包散鹽之日親臨禁  
止於是鹽無砂土之雜吏胥無侵欺之弊焉據新興志脩  
拜住以武勲受職為千戶元統癸酉西寇至晉康拜  
住出與賊戰勒馬逐至城西龍毋橋橋已拔官軍駐

橋東賊駐橋西拜住素善騎射廼發矢踏其旗首復  
發矢又中一賊賊陰使人圍其後拜住計窮瞋日罵  
賊曰汝鼠輩自速死早晚皆成擒矣今我死所也因  
為暴賊鎗格墜馬遂被殺郡人憐之後元統甲戌總  
管郭友乃為立祠祀之據德慶志脩  
白景亮南陽人元統甲戌南恩知州有循良之政性  
廉介自奉甚薄妻尤儉約惟以脫粟對飯而已據陽江志脩

陳阿木洛陽人欽州達魯花赤勤於政務興學校開  
屯田增軍儲置義倉招流民仁政旁洽邦人思之據廉





州志

汪澤民新安人為御史有能名時潮州府判官錢珍以奸淫事殺推官梁楫事連廉訪副使劉珍坐繫者二百餘人省府官凡六交官鞫問皆顧忌淹延弗能自復檄澤民讞之獄立其人服其明據廣州志脩

王方貴鰲溪人任韶州路經歷學博識高為政有惠澤及民公餘纂曲江志人多稱之據韶州志脩

安童蒙古人元統中為潮州路同知嘗溪水暴漲沒民居安童默禱願以身代民死須臾水息民賴以全又嘗曝於炎日中禱雨雨遂大至其精誠感格如此

據潮州志脩

羅里敬甫回回人居錢塘元統中監博羅縣事為政本於愛人重脩學宮建豐順興仁橋築隨龍蘇村堤調度有方民德之寇朱光卿倡亂于增城偪博羅敬甫捍禦之賊不敢入據惠州志脩○一統志作羅敬甫

方思廣廣信上饒人後至元三年知連州增置學田創立義冢士民幽明賴之既去民為立政績記于學宮黃肖翁撰連州郡守溪南方公政績記守令重任郡縣之興廢生民之休戚繫焉皇元混一區宇仁風德澤靡不周被守令之選慎於擇人有膺長才任縣事而五事昭著名聞朝廷接武而任牧守者可謂賢守矣桂陽為州帶山阻水嶺海遐陬民獠雜居撫字不易後至元三年丁丑冬方侯來守是邦首以蘇



息民莫興利除害為務勸農桑而田野闢均賦後而  
高下等招逃民而戶口增審曲直而詞訟簡挽禮樂  
而學校脩無息愁恨之聲脩建三皇先聖廟宇譙樓儀  
門後廳增置學田寬仁愛人不施鞭朴成就錢糧至於  
民鹽價錢已前厄寒土首開納起鮮則分派各都稅  
戶以紓民力已前戶役差發頻併則驗弓手舖兵餘  
糧以承其力之推發英德州倉糧八石則規畫輸運  
而不役民上年脩倉科陽山縣竹一千竿驗其地無  
寫遠悉與除免為芻禱旱甘雨隨應歲陰時和民無  
凍餒勸農出郊為其巖穴遺骸暴露有主者立限督  
勤殯葬無主者勸率積善之家施棺收拾而立義冢  
埋藏厚德深仁幽明均賴三年甫及五事責成民間  
錄事蹟聞于官憲臺察實聞于上行將大用侯名思  
廣字可大號溪南上饒人始歷太保府譚史調獲歲  
滿川縣令俱有聲銓衡公論上聞守辰注守是邦官  
中順大夫政績彰彰若是誠可謂賢守矣勤諸堅眠  
以為後來勸皆歲次庚辰至元六年夏○據廣州志  
脩

馬合謨字端卿回回人後至元三年為海北海南廉  
訪司副使廉介嚴明重農勸學夏旱祈禱令儒生齋  
戒集于文廟誦雲漢之詩告祝懇至即日大雨特有  
中丞懿麟班謫居于瓊剝擾鹽場罔民殖貨合謨使  
人致言曰中丞得罪當闔門謝過豈可更為不法以  
重累乎麟班聞之即日歛慎據雷州志條  
陳文仲字仲常湖廣巴陵人襲父鎮撫職至正三年  
陞德慶總管路戶加贈光祿大夫樞密院使至正  
癸巳西寇入境文仲同郡人李質守之保有封川德  
慶二郡地至本朝洪武元年大將軍廖永章統兵

廣東通志卷八

廉謨

三



至廣文仲識時達變即與李質詣轅門款附民免兵

戈之患焉據德慶志脩

張執樂温美州人至正四年任香山縣尹廉謹自厲

丙戌秋李童入寇海上奉檄平之民賴以安解宇橋

梁一侈前觀民不擾焉據廣州志脩

黃昭字觀瀾撫州人至正間由科目授新會縣尹德

政化民廉潔自守文章政事燁然可觀因謁廉訪司

書吏以畫漁索題昭援筆書之結云從來不食鈎頭

鉅縱有絲綸柰若何吏銜之昭自以不見容適湖廣

聘校文遂辭任而歸後為兵部尚書據廣州志脩

楊大舉字子善益都人至正七年為東莞縣尹廉以

律已寬以愛民惟日孜孜思盡厥職嘗為諸城新城

二邑宰卓有成績任未半戴政通人和頌聲大作築

福隆護田堤均賦役其惠民之意足稱循良黎王瑛

陳穎為作護田堤均賦役二記稱美之據東莞志脩

游弘道江右人至正間為化州路通判廉而不苛九

年海寇犯合浦通瓊山宣司移檄瓊廉高化四郡以

兵討之弘道承令出已資二萬緡貫銀幣購賞統領

義士張友明等七百餘人海船數十艘會諸郡官兵

追寇遇于海南澄邁石礮港時寇窮蹙以死戰先鋒



張友明等戰甚力俄而海南兵皆赴水走其寇乘勝  
四合諸官軍亦以走免惟弘道與石龍簿本蔡飛廉  
州同知羅武德及先鋒張友明俱以戰死邦人哀慟  
慕祀之有元馮翼翁記其祠畧曰至正八年十有一  
乘風走交趾明年二月自交趾乘風掠百餘艘犯合  
浦瓊山帥府復命侯會高化瓊廉郡兵追討竭已資  
二萬緡貫銀幣購賞資糗糧從義上張友明等七百  
餘人船數十艘夜半起鍛兵械出澄邁時寇餒阻新  
水按兵守境可計日受降總兵者不知應變急使戰  
石礮侯屢諫不從先鋒張友明等戰甚力俄而海南  
番兵赴水走侯怒命財走者已而寇四合遂中六鏢  
與其屬石龍主簿木蔡飛廉州同知羅武德及張友  
明皆死十刃餘各以走免侯非不知走免以今化州  
偷生彼偷生者幾何而媿于侯者無窮也

學化民綽有政譽民稱頌之云據舊志高州志參脩

王良字士純真定藁城人至正十年以萬戶鎮德慶  
路撫綏兵民時江水暴漲民多墊餒良惻然出廩賑  
之寇來襲郡發兵迎擊虜其舟以歸平居恂恂雅飭  
延禮賓儒威德著聞楊鑄撰政蹟碑紀其事實入  
本朝洪武初軍士編籍多曰王良所募之軍云據陽江志

張光道任憲僉至正乙酉按巡增城時叅尉鄧英甫  
本循梅界酋長性悍不法嘗以蛋民羅茶把截水道  
取過江錢縣尹李育下令禁之枷茶以警衆英甫率



衆毆習於廳人不敢近光道聞之拘其爪牙三十餘人送惠州路仍審訊英甫罪狀咸處于死民賴以安為立生祠據廣州志脩

買住蒙古人韶州路同知以廉介聞至正十二年郴寇陷樂昌又韶城買住躍馬開門身先士卒大破群賊擒殺甚衆越二十三日賊復來又率義兵大敗之遂復樂昌乳源諸縣又督兵出剿餘黨時方寢疾竟死軍中郡人義而祀之據韶州志脩

張鳳儀韶州路經歷領軍與同知買住追賊兵潰買住死于陣鳳儀亦被執至湖南不屈死之子萬里有

父風率父兵與賊戰勝復仁化縣獲首賊張韶卿剖其腹磅肝生啖之事聞尋補父官至正二十二年十二月陳友諒遣僞將熊瑞率衆圍韶城十七日城破萬里拔力與戰身被數鎗不能行據地罵賊為賊所殺郡人哀而祀之據韶州志脩

孫三寶至正間同知南雄路事廉介愛民既代父老擁馬留之咸垂泣焉據南雄志脩

木蘖飛至正間任石龍縣主簿海寇犯瓊廉高化四郡蘖飛竭力卒於師據高州志脩

白太平至正間任清遠縣主簿不諂上不損民果決



有為始終如一脩築土城以禦寇盜清人德之據廣州志

劉中孚字志行江西吉水人舉茂異至正申午任韶州路推官用刑平恕囹圄常空時北山盜起通湖南紅寇為亂首目與大家徐姓有隙誣以反逆一門三十口俱繫獄擬籍其家志行審見其詞異遂研窮磨問得其實即平反之戊戌冬紅巾圍城半月志行給俸錢以助軍需率子弟及鄉人之敢勇者守北門寇不得逞及再犯境長官納款逼其降志行曰吾頭可斷竟莫能強後除知英德州憲司以完城功聞授中

順大夫肇慶路總管迂吏三至以老病辭詩文雅律

世稱梅南先生云據南雄志脩

迭里迷失至正二十三年守新州為達魯花赤本州古有子城用磚結砌環衛州治年深崩壞庚寅歲臘月西寇攻入州城劫掠民財子女焚燒房屋殆盡後被土酋李廣山劉天海作耗民無逃避即將舊城脩結完固浚壕計設吊橋起蓋串樓於子城內架屋稍有聲息許民入城居住後果有南恩州吳元良之寇聚眾攻劫民賴城以得免侵掠之虞焉據新興志脩王翰字用文廬州獨山人至正二十五年為潮州總



管時境內盜賊充斥學校廢弛翰聘潮士戴希文使  
典教事化民為善性剛敏遇事立斷尤持廉吏畏民  
懷知國事已去不可為棄官居閩之末福山自號友  
石山人洪武初徵之至語溪遂自引決潮人今祀之

據潮州志脩

高文鼎吉水人嘗募廣東元帥府事陞都剡薦於朝  
曰文兼六藝武冠三軍授廣州同知尋陞廣東元帥至  
正間三山寇攻興城文鼎以義激將士以死守力拒  
幾一年援兵不至城陷遂自刎一家皆死據江西通志脩  
賴天賦福建人元至正中舉人材任興寧主簿至

本朝洪武初歸附因亂屯兵於龍母岩出與賊戰敗  
績追至馬公抗執之不屈而死據惠州志脩  
論曰宋之吏績在吾廣者詳矣書曰明作有功惇大  
成裕帝王致治孰有要於此者哉自廣州所祀八賢  
評之潘美平劉錕之亂其功偉矣而苛稅待周渭始  
去向敵中不貪船利其見六矣而幹濟迄楊璽乃成  
邵晔鑿濠利沙矣而陶甓甃城則呂居簡也魏瓘築  
郭疏澳矣而繕治樓堞則元絳也陳世卿除計鹽害  
大得民心而通課心焉亮然後蠲陳從易不市南物  
清動宸眷而貢花必具震然後革余靖教俗以禮法



廣運通鑑卷之...  
矣而興學猶待於蔣奇張田增築西城矣而東城  
猶待於程師孟屠屠畫成弗一者何也文武迭  
知州縣各設提刑法各紛綸動輒掣肘玩愒之日多  
而成功少也馮拯括端州峒丁張士遜除南雄戶役  
陳堯佐戮鯨于潮本謀誠信寇準饋羊于謂化及澆  
滴榮譴架棧陳侂築堤則愛遺韶惠孔延之制役徐  
的徙州則功在欽廉堯叟之治瓊陳升之之治封  
其皆明作惇大不以荒遠遷謫介其心者與南渡以  
後陳橐龔茂良林光朝崔與之以拊循著羅從彥劉  
燾廖德明許巨川以道學鳴楊長孺黃有揚大異之

裕李陵潘時陳峴之功亦庶幾者然人材視盛時  
降矣卓哉濂溪過化雖逢厓蹈海猶能以身殉道孰  
謂道學召胡元之亂乎番禹何庭矩著論謂周子太  
誠敬此皆不知時務所以陸秀夫在厓山猶進講大  
學以至亡國宗其說者曰三綱淪沒夷狄亂華宋之  
腐儒為胡元貴吏賤儒制南人為十等一  
官制二吏九儒十丐重時務矣  
而吾廣無為元死守者何哉故賴天賦以元官盡節  
於我特書於其終焉  
贊曰吾儒道學至宋益明濂溪過化粵嶺澄清利用  
大作功建裕成疇政澤物實斯勝名草偃風邁於昭  
德聲



廣東通志卷第四十八

廣東通志卷第四十九

列傳六

名宦六

本朝上

廖末忠廬州巢縣人少儻有大志元末兵亂率戰艦千餘艘屯巢湖為水寨以觀時變乙未五月與兄永安聞高皇帝起淮甸即杖策從之命永安為水將副以末忠後永安陷于張士誠俾末忠總其兵累以功遷至平章洪武元年平閩二月拜征南將軍叅政朱亮祖副之率舟師由海道取廣東勅諭語在事紀末忠自福州移書嶺表開示禍福往復書檄諭左丞何真真知天命有歸即遣前都督事劉克佐檢校



梁復初以廣惠梅循四州之地奉書內款夏四月師至廣真封庫籍戶口以歸廣州平遂分兵剿三山賊邵宗愚分省右丞鐵理迷失元帥吳都蠻等磔于市黨與悉平不閱月間廣州民悉歸附真之初歸廣城民不知擾市不易肆蓋由末忠號令嚴明兵不敢暴故也諸郡縣來歸及招諭海南皆定五月班師遂送真歸 朝復平廣西二年八月與朱亮祖凱還 上命 皇太子率百官迎勞于龍灣甚加慰諭三年七月論末忠功封德慶侯末忠貌不踰人而性識豁達撫綏初附甚得其宜廣人德之於郡庠東廡建土祠

以酬德後末忠被譴有司遂毀祠不存亮祖六安人十一年鎮廣東拓北城八百餘丈在鎮所為多不法

遂罷職語在道同傳

據實錄廣州志參修

危止字公定江右人讀書好義元末 高皇帝遣平

章常遇春以王師至止獻策得隸麾下時偽漢陳友

諒使賊帥熊天瑞守贛州兼統吉安南安南雄韶州

諸郡欲圖廣東乃預於南雄造戰艦遣其養子田元

震攻掠程鄉興寧長樂山寨遂攻陷韶州聲勢張甚

甲辰春戰艦成即帥兵數萬進攻廣州時何真據廣

以兵逆於胥江天瑞一戰破之意廣東可不戰而下



忽天晝晦大雨如注雷震其檣舟不能進天瑞驚惶  
乃仰天祝曰若廣州非予所當有則天爲霽明當即  
日還師祝已天果霽既歸贛望氣者言將有外兵至  
可厭之天瑞不之信乙巳夏王師克臨江是年秋九  
月遇春及副將鄧愈帥師至贛止在行間天瑞閉城  
拒守止請于遇春浚濠立柵以困之如其言凡五閱  
月天瑞援絕糧盡遣元震出降天瑞尋亦肉袒詣軍  
門盡獻其地遇春送天瑞建康上聞遇春克贛不  
殺喜甚遣使褒諭以爲曹彬下江南無以過也遂進  
師南安遣止踰嶺南招諭韶州諸郡未下者於是韶

州守將同僉張秉彝院判郭容叅政李如章僉事張  
鵬飛總管錢旭及南雄守將孫榮祖等各藉其兵糧  
來降遇春令指揮王璵守南雄令秉彝仍守韶州乙  
巳春正月也止勞來安集士民莫不感悅三月遇春  
帥師往襄漢止乃申諭官軍而後去丙午取湖州平  
張士誠其年十一月授止烏程縣知縣開設衙門公  
勤善幹洪武二年以勤瘁卒于官王璵字伯玉徐州  
人國初以中軍右府元帥來鎮脩築城池撫治有  
方洪武戊申復守贛父老遮留不獲刻碑立亭南門  
外留靴以慰所思錢旭字朝陽爲南雄路總管有惠



政詔既歸附民乃往贛言于元帥遇春願得錢總管  
 守郡郡無事矣遂從其請秉彝遂去時英德尚未服  
 旭惠以綏下威以服強勞來不息脩建府治學宮民  
 忘其勞又有莆田張仕國者洪武元年為始興知縣  
 當兵燹後百廢未備仕國撫恤瘡痍之民而復創建  
 皆有成功據實錄南雄志詔州志潮州志參脩

陸仲亨濠州人歲壬辰年十七以義勇從起兵開國  
 積功官至贛州衛指揮使守禦九嶺南北新附郡縣  
 悉聽節制潮之梅州僻在嶺表調兵攻克之洪武元  
 年二月勅仲亨及副使胡通師本衛及南雄韶州等

衛軍馬會征南將軍廖永忠等征廣東諭仲亨曰近  
 命平章楊璟等由湖南取廣西平章廖永忠等由福  
 建取廣東今特命爾帥師由韶州直搗德慶三方進  
 師為犄角之勢舉無不克廣東既下合兵以取廣西  
 先聲既震勢如破竹但當撫輯生民毋縱侵掠四月  
 仲亨率師略定英德清遠連州肇慶等郡縣進攻德  
 慶元守將張鵬程驅眾棄城遁語在事紀廣東平改  
 美東衛累遷同知都督府事三年十一月封吉安侯  
 二十六年卒據實錄開國功臣錄參脩

周禎字文典江寧人文學政事馳聲元末 國初為



浙江僉事召爲刑部尚書洪武初改治書侍御史及  
建廣東行中書省除叅知政事開省之初州縣正員  
多缺廣州香山縣治徙在蓮峰經兵燹而廢縣丞冲  
敬訪在城故址經營解宇縣治旣成百務悉辦流移  
四集狂寇倏至敬率民捍禦寇乃遁去縣民賴敬以  
安竟以勤死禎至即祭之雷州同知余騏孫開設府  
治增築沿海堤岸揭陽縣丞許德增闢公署核實田  
畝上其冊籍禎加旌賚知廉州府脫因蒙古人也招  
徠流民農皆復業知惠州府萬迪興廢舉墜不受私  
謁乳源知縣張安仁改建縣治創立城池學校撫綏

流徙清遠知縣李鐸勤政興學歸善知縣木寅紉立  
諸司廨宇長於撫恤皆上其績會下詔開科禎豫興  
名儒以待考試洪武二年冬十一月刑部尚書世家  
寶坐黜 上復召禎爲刑部尚書以周天祥代之時  
有顧文昱者蘇州嘉定人洪武二年以知州擢廣東  
行中書省右司郎中蒞政以勤守已以廉甄別淑慝  
均派輸脩浚城隍訓練士馬賑恤困苦民甚懷之據  
錄舊通志  
廣州志脩  
孫安字治平處州人元季募義兵保障溫之平瑞及  
混一任兵部侍郎尋除廣東衛指揮僉事洪武二年



八月率領官軍一千餘分司海南開設衛所奏展城池請陞瓊州爲府後有崔帖木北庭人洪武間任臨高知縣純良好善招黎向化後陞儋守有政聲嘗攝府事

據瓊臺志脩

葉景龍麗水人洪武初知南雄府見城西河塘村地乾旱築陂引陵江水溉田民受其惠號曰葉公陂又有王士弘者潞州人知寧海縣時方國珍已平惡少蔓引平民富家爲兵士弘即上封事言其不可上詔罷之民賴以安由是擢南雄府通判勒瘁政理卒

官

據實錄南雄志參脩

陳堅臨湘人洪武初長樂知縣時民經兵革失業大饑堅䟽請賑給從之賴以全活者衆復奏立守禦千戶所創築城池又有熊本誠翁源知縣民逋未還出曠未墾本誠多方招徠之既又躬臨村落相地勢教之墾闢因土所宜教之樹藝恤民如子治官事如家事累遷至福建叅政時又有石城縣丞吉安倪望民方避寇山林間招之撫以恩惠始得安業化州同知張謙律已以廉蒞政以勤弊政多所舉革民追思之後有信宜知縣張景愚廉勤公正愛民如子在任一年雖鷄黍微物亦所不受一日有於塘內獲一魚以



奉景愚見其腹有子郎放之吳川縣丞汪李清公廉有為廟學壇塲解宇橋梁之類皆增新之政暇吟詠

以適其情據惠州志高州韶州志一統志參修

艾彭江右人洪武初為潮州同知廉潔公恕嚴課學

校歲旱禱雨即應滿去民皆擁道留之不得民至今

思之不忘又有唐宗義廬州人洪武三年任揭陽知

縣見吏胥里甲多罹獄具愀然問曰爾等何至此耶

各白其故因諭以釋之歷政三年徃均訟簡民懷其

惠陞廣東都司斷事據潮州志揭陽志參修

鍾鎰山東掖縣人洪武初河源縣丞集流逋定版籍

建學校立壇祠凡邑之政罔或不舉後署海豐縣事

海寇倖至城陷死之又有呂翊洪武初為海豐丞問

創縣治勤勞為最且廉而惠邑人懷之據惠州志脩

武亮浙人也洪武三年知徐聞縣時法制草創首輯

歸附招集流雜脩舉廢墜學校公宇煥然俱新凡橋

梁驛路破塘無不竭力經營民蒙其惠至今稱慕又

有王淵者湖廣人洪武二年知遂溪縣剏公宇建學

校安集流移編籍定賦築隄海岸以免斥鹵之患闢

草萊課耕脩築塘堰以灌畝民享其利追思不

忘又有楊秀全靖州人洪武三年為徐聞縣丞村邑



多次盜設計捕獲威聲遠著境內晏然據雷州志脩

宋希顏字子淵高郵人以元故官舉用洪武二年四

月授瓊州知州領印開治庚戌陞州為府擢知府事

遷設衙署學校廉平政教兼舉逾年欽錄去任士民

稱之又有董俊河南人洪武二年知昌化縣明禮法

安新附勸課農桑作興學校興舉百廢民黎咸樂其

業七類多所汲引後陞睢州知州據瓊臺志脩

吳奉湖廣人洪武二年知新會縣臨民蒞政優於有

為凡縣治學校壇祠鄉都街巷皆其脩葺治尚平易

民愛而懷五年卒于官民無老幼哀吊滿邑又有畢

瑄者不知何許人洪武初知東筦縣時鄉邑遭元季

兵燹後田地荒蕪與縣丞八禮合同寅協恭撫循安

輯流亡來歸田里日闢歲復有秋邑人始有生意廉

能之譽著聞於時據廣州志脩

索彥勝燕山人洪武二年以經明行脩舉授樂昌知

縣時縣無城池百姓散處山林間生息惟艱彥勝下

車之初即勞來安集宣明政教築城開池民始復業

乃建學宮立壇壝以崇祀事復侵疆均賦役以恤民

隱民立政績碑頌之據韶州志脩

程希顥臨川人出舉人為新興知縣先是有孫守正



者洪武二年領印為新興丞創建衙門百廢脩舉作  
興學校撫恤黎庶及希顥至廉身律已居恕行寬與  
民約信咸歸服之又有黃景明洪武初陽春知縣律  
身廉慎為政寬恕與民約信人皆悅服之據肇慶志新興志脩  
陳本會稽人洪武二年由儒士為海康知縣荆置公  
宇區別廬井招撫流移編集圖籍撫綏初附遠近歸  
者七百餘家又毀淫祠崇正祀勸農桑均賦役嘗導  
水以灌東洋之田增築圩岸以防斥鹵後卒于官家  
無餘貲民為賻殯據雷州志脩  
葉高和州人初與俞通海廖永忠等聚舟師保巢湖

從渡江累官湖廣行省平章政事封廣德侯洪武三  
年擇熟練水戰總兵往循撫廣東高自請行遂命之  
以往四年巡海南城池還至瓊州卒瓊一作厓計聞上  
憫其無子以鐵券納之墓中親為文以祭之追封巢

國公謚武壯

據實錄開國功臣錄參脩

李思迪濟南人元進士遇亂晦處田野國初召起  
任起居注累官山西叅政洪武四年謫宰瓊山學博  
才傑廉公勤恪開拓一應荆置舉皆中度革奸貪毀  
淫祠弊極事繁辨集無虛日公餘輒歌賦自號海濱  
子因以名集蔡微序之後召回累官尚書又有陳槩



字丕量北平人洪武初由吳川縣丞陞宰瓊山治民  
養士政教亞於李思迪九年自陂院遷縣學於南郊  
制度皆其規畫據瓊臺志脩

丁文昇天台人以文學出身洪武四年擢廣東僉事  
端慤廉介時民訟多不情文昇於司左建亭扁曰三  
思民有訟者即喻造亭坐而思焉由是民訟日少至

今美之

據廣州志脩

詹勛字最之饒州人洪武五年知東莞縣嚴以馭吏  
寬以愛人廉介自守脩飾壇壝以嚴祀典推人戶甲  
乙以均力役又重脩廟學時海瀕寇發躬率衆擒之

迫逃之卒繫之還其籍境土寧謐民樂其生

據東莞志脩

郭郁鄰山西也留人洪武五年來丞東莞廉介自守  
日飡蔬食不事飽煖邑人何原璉陳東喆饋以生魚  
被服郁鄰曰吾素志如此辭而不受疾終于官無以  
為歛邑民爭往弔賻之據東莞志脩

汪廣洋字朝宗高郵人少從余闕學通詩書游寓太  
平乙未歲上渡江首召諸儒廣洋入見與語大悅  
留幕下為元帥府令史行樞密院掾史江南行省提  
控丁酉除照磨兼知諸全州事己亥置正軍都諫司  
擢都諫官辛丑遷江南行省都事陞郎中甲辰立中



書省改右司郎中尋知驍騎衛指揮使司事平章常  
遇春下贛州命廣洋參軍事贛州平遂命守之尋陞  
江西參政洪武元年大將軍徐達平山東開省治欲  
得廉明持重者往安輯之以廣洋可任乃命陶安為  
江西參政調廣洋山東行省至即撫納新附民庶安  
之冬十二月召為中書參政明年復出為陝西參政  
三年丞相李善長病上以中書無官召廣洋為左  
丞楊憲以山西參政先被召入為右丞廣洋至憲惡  
其位軋已每事多專決廣洋畏之不與較憲猶不以  
為嫌欲遂去之喉符御史劉炳等奏廣洋奉母不如

禮上初未之知令還高郵憲恐其復入又教炳  
遷之海南上覺憲奸乃復召廣洋還憲坐是誅  
十一月大封功臣廣洋封忠勤伯誥曰朕觀往古  
俊傑士能識真主於草昧之初效勞於多難之際終  
成功業可謂賢知者也漢之張子房諸葛亮獨能當  
之朕提師渡江入姑孰中書右丞汪廣洋同諸儒  
來謁就職從征剽繁治劇屢獻忠謀驅馳多難先見  
之哲可方古人今天下已定爾應爵封特加爾開國  
翊運守正文臣資善大夫護軍忠勤伯食祿二百六  
十石於乎爾尚益堅初志克茂忠貞訓爾子孫以光



末世四年正月善長以老辭位乃拜廣洋為右丞相以參政胡惟庸為左丞相六年三月左遷廣東行省

參政鳳臺吟藁登粵臺懷故鄉親友交州風土最炎熱客子無聊只登臺滿城榕樹葉漸脫夾路荔枝花爛開歸思謾勞春酒送新詩聊為故人裁鄉關不是音書少日暮天南無鴈來○初夏遣懷單車逢抵五羊城四月何曾十日晴梅雨曉添山瘴合國風時駕海雲行自披往事懷多感誰把常談問老生乘興出門成獨往越明年召為左御史大夫十年復拜王臺下看農耕

右丞相加特進榮祿大夫右柱國知軍國事 上遇之特厚嘗有疾在告賜勅勞問廣洋與胡惟庸同相惟庸所為多不法久之御史中丞徐節言前誠意伯劉基遇毒死廣洋宜知狀 上問廣洋廣洋對以無

是事 上頗聞基方病時惟庸挾醫往候因飲以毒藥乃責廣洋不能為國效忠貶居海南舟次太平復遣勅切責遂死于道廣洋善篆隸大書尤工善歌詩為人寬和自守與姦同處而不能去蓋其相才不足云

據實錄新安文獻志參脩謝景暘陝西人洪武七年知新會縣廉潔無染撫字有方凡有賦役必第其高下民甚蒙惠後以疾卒民咸念之據廣州志脩

鍾勗字士懋慈溪人蚤失怙恃能肆力問學以文墨自任洪武四年郡庠禮聘訓導弟子員五年舉教赴



京特授廣州番禺令政尚平易不以察察為明時官  
造舟富商儲貨高估以病民勗預令采山塲藤木宿  
峙以待所需官民兩便六年颶風掀漲平地水深數  
尺鹽倉濱江貯數百萬計浸幾及之勗躬率民丁俾  
家出一囊盛土石築堤以防堤高漲縮貨賴無恙蓋  
其舉廢興墜惠民實多而尤顓精於學校先是學圯  
師儒賓禮無地勗捐俸掄材構講堂齋舍未幾坐事  
免歸十六年以明經舉授兵部侍郎卒于官子永亦  
舉明經仕至戶部侍郎據一統志慈  
溪志彙修

李希祖河南人此武七年通判雷州府果于有為脩

城池設廨宇整頓隄渠墾闢荒穢鄉立社學率民以

義秩滿去州人贖之一錢無所受又有張昭晉江人

洪武初以監生知遂溪縣庶務脩舉民物阜安脩學

校築陂塘教養兼舉人有陶文實者洪武二十年任

遂溪縣教諭學制草創文實殫心脩理講明性理表

正士習實名師云據雷州  
志脩

邢昭洪武八年來司新會稅貧而能廉介而有守月

支俸饘粥不克或日中無食人遺之米亟命持去語

妻曰寧饑餓以死不可受滿去無道里之費父老贖

之一無所受據廣州  
志脩



葉允吉興化人洪武九年轉羅縣主簿廉靜寡欲人不敢干以私雖菜菜亦無所受又有何阿魯山東人洪武九年歸善縣主簿以寬惠為政仁及窮民合境之內呼為何母

據惠州志脩

王名善者不知何許人國初為高州府通判先是海寇何均善聚眾數百人嘗為瀕海諸州患官軍已捕戮之其餘黨羅子仁等逃去洪武四年秋八月子仁等復劫奪府印逼名善從已名善不屈執至霞峒新營遂遇害是月己酉也雷州衛遣千戶黃青領兵擒子仁等斬之餘黨悉平

據實錄脩

道同河間人其先韃靼族也洪武三年以才幹舉為太常贊禮郎十年出知番禺縣性剛毅廉潔番禺素稱繁劇而軍衛尤強橫需求百出佐吏動遭笞辱前令不能堪比同至視民如子民亦愛之如父母堅執公法凡事違理者一切不從由是民賴以安權要惡之未幾求嘉侯朱亮祖至數以威福撼同同不為懼時有土豪數十人遇問里珍貨輒抑價買之稍不如意即誣以鈔法人莫敢誰何同廉問得實捕其首悉械繫通衢以令眾諸豪詣亮祖求辯亮祖召同勞以酒食徐為言之同厲色曰公為大臣不當為小人所



使亮祖不能屈次日亮祖出通衢被械者方曝烈日  
中哀呼求免亮祖釋之又有富民羅氏納女於亮祖  
其兄弟因怙勢凌人同按法治之亮祖又奪去復以  
他事笞同同遂歷數其事而奏之疏未至亮祖亦誣  
同抗訕先聞 上不知其由先命使取同首級適同  
奏亦至 上以其職卑而 直言大臣有骨鯁風特  
遣使宥之竟坐亮祖罪二使同日繼至而同已先死  
邑民甚悼惜之同性峭直器宇魁岸奉母備甘旨與  
妻子同粗糲布政使徐本雅重同嘗按一醫士罪當  
笞本急欲得醫遣卒語同釋之同曰徐公亦效末嘉

侯耶答之乃已後同卒于官縣吏有奉其主于家者

出入輒告有事卜之輒驗人或以為神云據實錄廣州志參脩

徐仲端浙江台州人洪武十年任南雄府同知詢知

二縣田多荒蕪乃率經歷范澄知事范仕範徧歷鄉

落勸民開墾於是闢地五十餘頃增糧二百餘石民

食足焉據南雄志脩

蔡玉和州人世舊功臣洪武十一年由長沙衛指揮

僉事調海南衛開展城池起荆瓦屋營房建演武亭

革去酷政賢明廉謹存恤軍士惠愛及民時有山東

魏世吉者知儋州性直不撓為政愷悌視民若子民



至今思之

據瓊臺志脩

韓禎洪武十一年任布政司叅政時展築城池閭帥力欲亟成工役晝夜不得稍息軍民困苦病亡禎謂曰城郭所以保民也今築城而疲民是所謂以其所不愛及其所愛甚非安邊保民意也 朝廷聞之咎將誰歸帥始懼又欲令五鼓始工二鼓而止禎曰不可乃召衆定約以晨鐘從事夕鐘則已由是軍民赴工者莫不感悅據廣州志脩

張鐸湖廣人洪武中長樂縣丞淳朴無華能勸農力本抑浮侈息譁訐滿考民乞留之遷秩知縣又九年

乃去惠澤及民極深去之日民不忍

據惠州志脩

王仁山西人舉茂才洪武十一年知東莞縣為政明敏務抑豪強吏民凜然尤注意興學崇化暇則與諸生講解士為一新時李世英者知增城縣政事公平民皆愛之據廣州志脩

花茂巢縣人元季起兵從陳世光歲丙申二月歸附癸卯援安豐敗張士誠兵又於鄱陽湖戰滅陳友諒甲辰平武昌授威武衛百戶累以功多洪武八年十月陞神策衛指揮僉事十三年調廣州左衛勦平陽春等縣叛賊十四年收捕清遠英德翁源博羅諸縣



山寨十五年討海南叛蠻出海捕倭十九年東筦龍川興寧南海香山翁源民作亂統兵討平之二十年正月陞廣東都司指揮同知夷電白等賊二十一年破歸善等縣賊寨二十二年四月陞本司都指揮僉事五月陞都指揮同知賜 誥子孫世襲廣州左衛指揮使是年擊南海香山黃連等寨二十四年七月收勦連州廣西湖廣等處徃賊三萬餘語在事紀二十六年正月致仕 上命其子爲東勝右衛指揮僉事茂仍蒞事四月統軍蕩滅東筦筭岡等處二十七年茂上言請徙廣東沿海地方東筦香山等縣逋逃

蛋戶爲兵又奏添設沿海依山廣海碣石神電等衛所二十四處築城濬池收集海島隱料無藉等軍仍於要害山口海議立堡撥軍屯守詔皆從之二十八年閏九月征捕海南等處山峒黎賊明年二月入覲上慰獎之且曰爾田令次子英來朝 朕將用之六月茂回會番禺後山等寨賊叛命英同肇慶衛指揮夏忠領軍捕之獲其首從鄧佛蔭等七十五人即遣英赴京十一月茂在任奉制陞本司都指揮使三十年正月 上命英爲廣東都指揮僉事與張春共殄賊首黃黑面等地方靖寧四月二十日茂卒賜塋牛



首山安德門外廣人祠之于粵秀山英武毅有文風  
自以軍功陞本司都指揮使永樂中累建大勲後致

仕據廣州志廬陽志  
開國功臣錄參脩

童謨浙江人洪武間知番禺縣密邇藩憲號稱繁劇

謨一以廉謹自持政平賦均民安訟息時長樂令習

韶有詩以贈之共誇仙掌露不羨玉壺冰之句人以

為確論以丁內難去後至江西按察使據廣州志脩

桂孟成温州人洪武中河源知縣梗介廉勤賞罰明

信尤留心於學校構亭于縣治之後暇日召諸生談

經校藝及門之士多底于成又有江秉彝者為程鄉

典史邑中先因賊寇之後不能復業田土荒蕪稅糧

拖負使者到邑追徵嚴急彝赴京面奏其情得減田

糧額召人開耕民蒙其德據惠州志程鄉志參  
脩○一統志作孟成

王綱字性常浙江餘姚人洪武四年以文學徵至京

師時年已七十而齒髮精神如少壯 上問而異之

親策治道嘉其對拜兵部郎中十四年潮民弗靖遂

擢廣東叅議往督兵糧謂所親曰吾命盡茲行乎致

書與家人訣携其子彥達以行至則單舸往諭潮民

感悅咸稽首服罪威信大張回至增城遇海寇曹真

竊發鼓譟突至截舟羅拜願得綱為師綱諭以逆順



禍福不從則厲聲叱罵之遂共扶昇之而去賊為堽  
 坐綱日羅拜請不已綱亦罵不絕口遂遇害時彥達  
 亦隨入賊中從傍哭罵求死賊欲并殺之其酋曰父  
 忠而子孝殺之不祥與之食不顧賊憫其誠孝容令  
 綴羊革裹尸負之而出得歸葬焉據餘姚王氏家傳  
 廣州志參脩○廣  
州志本家傳脩但家傳疑信相半如以  
 南昌胡儼為陳敬宗門生最謬者也  
 沈仲德江西人由人材洪武十四年任揭陽知縣識  
 見洞明秉心忠直能容人小過嘗丈量田地以均稅  
 畝遇攢造更定都圖以為民便民咸德之同時潘俊  
 知陽山縣首興學校問民疾苦徵頽起惰百廢振舉

鼎建縣治及儒學民之仰之至今不忘據揭陽志陽  
 山志參脩

趙庸廬州人元季集義旅屯巢湖率舟師從渡江累  
 官同知大都督府事封南雄侯洪武十四年廣東盜  
 起上命庸率師討平潮州海陽劇寇擒賊十餘又  
 討平東莞陽山歸善等縣寇賊尋俘其酋鏟平王招  
 降脅從者語在事紀捷聞詔庸班師至京入見  
 上慰獎殊至賜彩幣上尊良馬命理西北軍務二十  
 六年坐事卒據實錄廣州志開  
 國功臣錄參脩  
 趙瑁宜陽人博學洽聞洪武初由儒士為教職十五  
 年陞瓊州府知府宿弊損革吏民畏服後召為左春



坊左諭德累官至吏部尚書

據翰林記瓊臺志參修

陳潛中名元亮以字行僊游人早喪父事母處兄弟

以孝友稱洪武十三年舉聰明正直赴京試中授開

建縣知縣滿三年赴京百姓哀留不得行至京計歷

俸少十五日例該工役尋遇赦回洪武末年上饒縣

丞莫士忠者開建人也以忠孝清廉薦潛中于朝

奉旨起用力辭以疾建文元年聞燕邸將舉義上

書陳諫復疏言忠信四事又疏便民十二事于朝蒙

召問諫燕事請紙筆以對尋放歸辛巳赴燕邸上書

歸求樂八年不取開官不願仕者選送選用亦有

例廷久不到者七十以上寧家未及七十者免軍九

年夏到京朝見以年七十一放歸

據僊遊志脩

王余高密人由薦辟洪武初先授禮科給事甲出為

九江府同知十六年擢知肇慶府嚴以律已寬以蒞

民剽劇裁變不露聲色而一郡稱美雖被罰者亦無

所怨秩滿去人皆賢之

據肇慶志脩

王世榮金華人以才薦洪武十六年知東莞縣時遭

草寇作後人皆流離上司督糧甚急世榮設法以徵

不日而足招逃亡恤無告力行寬惠以甦民隱一考

而去邑人至今稱之

據東莞舊志脩



汪大賓連江人舉孝廉洪武中任廉州府經歷行政公平人皆愛之知府設華薦陞禮部員外郎據廉州志

衡岳河南人洪武間任潮州同知愛民不事刑罰布

衣澹食種蔬自給而已秩滿陞西安知府潮人思之

不忘祀于名宦祠據潮州志

鄧忠湖廣德安州人洪武中任靈山縣典史行政利

民後陞工部主事據廉州志

左孟誠山東人舉秀才洪武中知南雄府因城東隙

地築桑園十畝教民種桑自是民皆知以農桑為業

時天台鄭貫遠為府學教授性資剛介模範端嚴善

啓迪後進隨材成就文章高古六經于史靡不淹貫

時人號為鄭書櫃云據南雄志

吳奎新喻人治春秋受業於石門梁寅洪武間由進

士任樂昌縣教諭教育成就得人為多布政使白思

謙叅政蘇恭則皆出其門後以恭則薦為潁州推官

據韶州志

徐仕高瑞州人洪武中知河源縣廉勤自勵威惠並

行邑無廢事民不見吏未幾以憂去百姓思之據惠州志

桑昭無為州人洪武十七年由金吾前衛指揮僉事



掌海南衛印歷十年愛軍恤民造脩公廨衙宅營房  
倉庫展廣土城街道溝渠清潤昌化海口三所皆所  
創置申呈不立屯田廢東西軍營以地入廣治人到  
于今稱之據瓊臺志脩

秦時中單縣人洪武十七年知雷州府謹厚端嚴僚  
屬吏民咸畏仰之歲旱禱雨輒應脩復陂塘民沾其  
利令各邑鄉都建立壇所以嚴春祈秋報之祀卒于  
官民追思之不已後其曾孫紘巡撫兩廣乃為立祠

祀之

據雷州志脩

陳新廣西人洪武間會同知縣居官公勤稍暇召生

徒講授茅屋蕭然不以介意時又有上官謙者廣西

人繼新知州事為政公勤秩滿父老保留不得陞知

壽州去

據瓊臺志脩

白叔敏不知何許人洪武十八年知潮州府興學校  
課農桑持身清白人不敢干以私時潮多絕戶荒田  
稅糧令民賤納至鬻子女不能給敏奏除之至今人  
懷其惠據潮州志脩

吳德用沙縣人洪武十八年由通經秀才任瓊州府

知府為政和易利澤及民

據瓊臺志脩

王世安洪武十九年為韶州知府為政公平民皆悅



服尤謹於事神凡祠廟歲久皆重新之以張余二公為韶陽先哲請于

朝春秋祀之

據韶州志脩

鄧文張寧都人洪武中知河源縣奉公守法勇於有為先是草寇作耗人民流移土地荒蕪文張奏除田

米六千餘石由是流民復業咸獲以安

據惠州志脩

李祥四川瀘州人洪武中為按察司副使廣海詞訟

煩劇疑罪積獄動逾歲時祥至察問明敏處斷精當

未及月餘囹圄為空後調雲南副使

據廣州志脩

陳敬字行簡河南人敦實有行義先為河南儒學訓

導洪武十六年刑部尚書開濟薦為吏部試尚書十

七年坐事免歸二十一年起為惠州龍川知縣時盜

起為患民不聊生都指揮陳讓領軍追捕未獲敬出

竒計誘其酋擒之餘黨悉平不遺一矢而成功上下

稱之二十三年二月詣闕言事稱

旨擢吏部侍郎

據實錄一統志  
惠州志參脩

侯禮廣西臨桂人洪武中以國子生拜江西提刑按

察司僉事坐事左遷連州判官會獯獪貌阿孫等劫

略鄉村經年不能制禮躬抵賊巢諭以禍福阿孫率

眾向化未幾獯獪廣秀等三百餘人據高良鄉欲

攻州城禮又招來之悉為編氓州遂無患秩滿陞本



州知州九載考績民詣 關保留復任九載至今民

允思之據連州志脩

夏則中武昌人洪武二十二年以監生知興寧縣值

寇周三之亂民死徙殆盡稍有孑遺者又以官兵壓

境將罹昆岡之焚則中率鄉老懇於總兵官始免橫

酷後仍以凶年則中發廩勸分彫莩復生初則中招

携流亡欲集矣病官田稅重莫肯承籍則中請以官

田減同民產定賦從之遂以安業民感切骨久而不

忘父老相傳則中請減稅于 朝犯天威寘之極刑

至今人能道其事情諸志不紀其實云據惠州志論曰大哉

○據惠州志論曰大哉

